



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Sancti Lvdovici Caroli II. Regis Siciliæ Filii, Ex Ordine
Minorvm Episcopi Tolosani Vita**

Sedulius, Henricus

Antverpiæ, 1602

Cap. XXI. Refertur in numerum Sanctorum.

urn:nbn:de:hbz:466:1-42834

CAPUT XXI.

Refertur in numerum sanctorum.

Miraculorum itaque gloriâ, & famâ eximiae sanctitatis per orbem currentibus, & ad sacras eius reliquias pro suâ salute fidelibus undequaque aduolantibus, Tolosani & vicini, missis legatis ad D. Bonifacium Papam v i i i. mirabilia illius prædicant, extollentes magnis laudibus: postulantes, ut quem Christus sanctorum collegio sociauerat in cælis, hunc quoque ipse Vicarius Christi Diuorum catalogo adscriberet in terris. Etsi verò Sumo Pontifici vita B. Ludouici & sanctitas probè cognita esset (viderat etenim partim, & alia à fide dignis acceperat) distulit tamen vir prudens negotium: ne quis calumniari posset, præproperè rem attentatam, adspectu magis generis & fortunæ, quam meritorum. Interim migrat è vitâ Bonifacius, cum rem esset aggressus, & infectâ reliquit successori Benedicto, qui citius & ipse defunctus facere non potuit. Clemens v. in eius locum suffectus, sollicitatur à variis nuntiis Ecclesiarum Galliæ Narbonensis, quæ nunc Prouincia dicitur, ad rem aggredendam. Qui Cardinalium confilio, commisit duobus Episcopis, ut seriò & diligenter in vitam & miracula B. Ludouici inquirerent. Veniunt Massiliam cum mandatis, & studio-

sè ex-

Pro canonizatione
 illius mul
 ti instant.

sè exsequuti, omnia Sanctitati illius perscribunt. Deinde res datur Cardinalibus multò diligentissimè examinanda; interim etiam moriente Pontifice hoc, cùm in demortui Clementis locum succedit Ioannes XXII. olim socius & magister S. Ludouici, qui etiam illi adfuit morienti. Nec dubium quin diuinæ prouidentiæ nutu hoc pietatis officium huic seruatum sit, cui omnis vita, mores, pietas, mors, & omnia acta B. viri probè cognita & perspecta essent. Sed ne præcipitanter agere videri posset, rursus omnibus & singulis actis ciuis à Cardinalibus accurate examinatis & adprobatis, eorundem fratribus suorum Cardinalium, omniumque Prælatorum præsentium (Auinione, ubi Apostolica sedes id temporis erat) consilio & ad sensu, magnâ pompa & sollemnitate, anno ^{88. ecce.} salutis reparatae millesimo, tercentesimo, sexto decimo, ^{XVII. ref-} septimo Idus Aprilis B. Ludouici ^{fertur in-} cum in sanctorum numerum retulit, Pontificatus ^{tur Diuus.} sui anno primo.

CAPUT XXII.

De translatione illius corporis sacri.

ANNO verò tercentesimo supra millesimum & decimo septimo, sexto Idus Novembbris, missis à Pontifice summo Cardinalibus, & aliquot Episcopis, præsente germano S. Ludouici fratre, Roberto Siciliæ & Ierusalem

F 2 salem